



天台山方外志卷第二十二

記類

李汶遊天台紀畧

太史公疆識立言者沂會稽探禹穴南遊淮湘北睇鄒魯

謂漫爾寄傲無當哉余少耽物象往往會意處輒命中車天台為全浙西南隩區茲行役苦棘卽捐置不復顧興逸窳乎缺矣詹春孟廿一日凌晨戒徒御單車往崇陰布護閣雨欲滴山嵐海灤粹爾蝕剝偶旅許濱脈脈不自適無何杲日東旭屏翳盡撤蒼翠夾陌芳藹襲人襟裾前眺崗左浮圖裒出挿空而橫東一嶺宛帶芙蓉中含洗腸井絕為名勝詢之士者云赤城山也引策而前可十里許為國清寺梵門鉅麗豁目暨入卽荆棘叢交瓦礫填委鞠為圯址最後委蕨處石泉名杖錫泉傳為寒山拾得卜麓卓錫場熟視淺澁不



聯地脉或釋衆所贗狂者偏東有丹竈儂存
兩巖北透迤數里爲真覺寺東望爲天台雙
峯特起望入雲表誌載琳宮瓊宇諸蹟卒無
可問津者西北爲菴源洞歲久湮謝晨肇無
據夫山隸野隸奚抱靈異而邂逅僊妹輒協
鳳占且半載七世何謬悠而畔經也僊人有
無何渺茫菴源之說誠荒唐有味乎其言也
哉北向圍山壁立亂草蒙茸山際腰曲羊腸
厘餘一綫夾逼澗沚亂石嗟呀上下羣流當
其中者搏激跳躍澎湃怒號細急繁匏險訇
驚霆其大有不得其平者乎循崖數轉溪忽
分兩流碧耀雙瀑直下恍小秋然指示津吏
應曰跌灘再遵逕而北噦嶠山巔者石梁寺
西望巨淙如暍虹下澗駭駟馳原奔濂浩淦
往瀾倒重巒而墮落忽低透石梁峻阪挂爲
飛練噴洒石砭盱衡石梁復天矯占撰左右
夾獅象兩峯卽崇伯子之鑿龍門未有是巧
出天冶者揖對移晷盼懸流咄咄語曰浪劉

盡于古英雄人物有之乎安得偕若洗衾枕
漱于旁其樂且壽固無極也兩力掖持俯下
危巔暨沒階山麓股鄰間盤辟憊竭矣入別
寺少休庖者具鷄黍悠然酌數行日已停午
符登輿出寺僧自蓼植中跏請曰此中萬年
藤也斲之可杖卽命取數枝來蒼黝糾結不
知經幾何風霜當是瓌竒物它日躡芒屨曳
長裾閒倚此瘦筇以綸佯蘭臯禾隴之上徒
而諦視有不愕譚爲天台赤城靈植耶投之
葛陂拄之玉女匪直賈胡能辨之益北深入
卽氏萬年寺嵬峩雄勝天台中上利福地也
益北深入盤磴不可步巨拔旁峙曰釣山啞
脰瀑流者曰釣灘逡巡過嶺角巨壑內石狀
堆疊叩者如立俛者如倚斜者睨卧者蹲嶢
側列劔攢戟云盡僊人驅石也夫蠢石何知
驅使轉鞭可血祖龍竭精蟬膏窮終年望蓬
萊不可卒致又何能宰制羣僊而備汨汨此
役齊諧志怪有由哉迫暮窺天姥峯遐想太

卷之三
天台山志卷之三
二

白夢遊一吟橫肆跌宕可為天姥萬古增色
 尋所題堆絕佳麗處至磨滅未可一睹余謂
 謫僊天材難以控羈推眉折腰所自不屑故
 托之乎夢紀憤抒之耶縱觀天台管蠡所窺
 測者大都若此僕指夙邁盛矣美矣標壯遊
 矣而尙或悔吾思也天台險仄崎嶇甲寰宇
 茲迂塗蹇步遭迴於敬側鳥道中顛踰而未
 敢豎目跬步失戒將陷于危卽所得亦附贅
 矣泝繹垂堂騎衡之旨緬懷怙亢習險恬不
 挹損者斤斤有餘思焉謹聊記其一斑漫書
 于東剡
 之舟中

王士性入天台山志

志稱天台山高一萬八千
 丈山有八重如張大帆以

其上應台星故名天台天台以華頂為絕
 頂如桐栢赤城瀑布佛隴東蒼皆其別號神
 邕以赤城為天台山南門徐靈府又以剡縣
 金庭觀為北門天台山山脉起大盤而委為

四明其過天姥發頂落地為五支其入山四
 漫而非一途自余為飛源主人結廬洞口不
 啻數十至矣其始也從國清入蓋丙戌秋觀
 海普陀與天刑生探禹穴而歸時也抵縣出
 北門過神蹟石咫尺國清矣然西觀霞標在
 望意不能捨遂先趨焉道書玉京洞十大洞
 夫之一也巖皆赤色望之如雉堞因名赤城
 絕頂浮屠七級飛泉噴沫落手中巖中巖寺
 嵌巖中雲猷洗腸井井邊青韭今尚生也下
 山東十里入國清浮屠比赤城倍之然不見
 九里松矣惟餘萬松徑三字圍八尺鑿石山
 門寺負五峯如宸石坎泉盈尺晉明師卓錫
 而成左廊三石錯立則寒拾舊竈石也智顛
 建台山十八剎此為定光授記第一道場出
 門于橋際崖沿澗度盤迴嶺以入澗水自高
 山落與石齒嚙喧騰叫號如璣如練如翔鴛
 鳳倏忽萬狀別澗而上金地嶺坐定光招手
 石指銀山稱佛龕焉寺號真覺則知大師所

從蛻骨雙石塔存其未至塔頭也路側有大
 慈寺倚大雷峯傍智者泉寺燬而唐梁肅石
 碑一坐尚樹于畛壠間東望灌莽中寺在其
 下反顏其額曰高明路旁巨石僧指堂書天
 台山弁隸教源二字近白雲峯下又有太平
 寺址蓋三寺相倚角焉東北為司馬晦山道
 書第十十六福地又北為靈墟則白雲先生所
 棲息焉亦七十二福地之一也或者以天封
 當之咸從金地別一岐而東行既踰嶺折而
 西比數里兩崖如闕鉅石踞其表罡風蓬蓬
 起驅石如舞人行不成步即六月披裘而探
 名寒風闕過闕數里為龍王堂西岐乃去石
 梁東則上萃頂東上萃頂經察嶺亂石飛轟
 狂所成趣石有峽焉為書留雲漢徵君高察
 隱居也又數里下雙溪上天柱峯磴道偏亥
 下與拾級而上十里至竹院佛弟子真清與
 教源叢林精舍經聲喃喃足稱娑婆淨土轉
 峯左側路三里許上下二溪池縮谷口淪瀉

破綠金魚數千頭竅為高山之勝池中為馳
 道度蓮華峯下為華頂禪林出其左三里踰
 嶺有王右軍墨池焉上為太白堂堂廢池存
 余為建三楹貌二公于中顏以萬八千丈峯
 頭再上二里則絕頂也知大師于此降魔舊
 有塔與禮經臺時方盛暑露坐見天星大于
 拳動燁燁堪摘且皆四垂脰下夫茲山雖
 高視地高耳莊生所謂遠而無所止極者其
 視下蒼蒼亦若是耶何得星辰四顧在下且
 大于他時倍蕝心詫焉涼颺起谷中雜天地
 二籟以號竟夕不成寐計漏下五鼓矣道人
 報海底日上與生急披衣起東方大紫氣籠
 聚黯黯中上有金縷萬丈正射余衣上余大
 叫雲海盪吾心胸矣道人曰未也已片時則
 一赤輪如鎔銀汁蕩瀾而上前五色盡滅始
 知向所見影也是為第二月哉日輪漸高溪
 源草木如畫東眺四明西招括蒼南望雁宕
 北睨錢塘四方千里隱隱可矚羣山伏地僅

如田塍而此山了然上出如懸一朶青蓮花
 方開而瓣垂垂也昔人故以萃頂名之始悟
 夜對星辰非為羣山無礙若天下垂故耶斯
 一遊也是雄生平矣然猶未半天台也其繼
 至也則由洞栢入蓋余家台城由間道龜溪
 可步南山乃引二僮自跨一蹇驢信宿翠屏
 西下數十里至寒明二巖二巖洞一山以春
 相背而倚明巖道不容軌兩石時如門夾之
 巖竇嵌空飛閣重椽半在巖間不復覆以葑
 尾即石成簷如赤城也洞口有帽影馬跡俗
 稱為閭丘太守亂遺云胤謁寒山拾得于國
 清竈中追及之二僮拍掌笑入巖去巖闔間
 上脫馬崖上飛泉百丈以鐵鏢斜接之又北
 行轉五里餘始至寒巖馬首望巖真如天上
 芙蓉十二城亦彷彿行黃牛峽也寒巖石壁
 高百丈如屏洞敞容數百人夏至不見日影
 一石方正則寒山子宴坐處也西臨絕壑為
 天橋堂宇皆置巖下時有翠色入戶牖堪挹

又北行五里過清溪入護國寺尋菴源繡壁
 夾澗岬嶿而立水流亂石間聲如珮環者十
 里三折乃至其奧每折似堂皇扃戶不見去
 來中有潭清冽沁骨名金橋立潭邊仰望三
 峯如畫而東峯特秀上有石如縮髻名雙
 女峯昔人見雙鬟戲水或云其精靈所為然
 蓬蓿嶮嶮難于懸度余乃于離別巖下鑿石
 通道構一室于洞口為菴花塢扁以儷僊屋
 頭種菴千樹茶十畦買山田二十雙計作菴
 裘它日二娥想當相俟于菴花碧落間也左
 行麓至紫凝山瀑布懸流一千丈陸羽第為
 天下十七水又數里上桐栢嶺始入山嶺行
 可一里宮其上豁然夷曠環以九峯王女玉
 泉華琳玉霄紫霄卧龍蓮花翠微也道書七
 十二福地之一謂王子晉治之又云伯夷叔
 齊為九天僕射治桐栢宮今宮有二子像玉
 石鏗然非山所產也司馬氏遺跡亦已杳然
 宮有醴泉前有女梭溪從印山轉南水口為

三井下流入瀑布中自桐栢西行五里至瓊
臺臺在大壑之心石山空起狀如削辰下俯
百丈潭心骨驚悸沿流南轉至雙闕皆翠壁
一抹森倚相向宋山人張無夢結跌焉稱僊
座折而回仍過崇道觀行羅漢嶺數里而入
萬年寺寺抱八峯晉白道猷所掘錫而營也
門外巨杉百本其大參天凡供五百大士必
于是邀請家司寇公建閣其後藏 慈聖所
賜經出寺又且十里而至慈聖寺寺當山西
北僻處經歲無遊人良修真者所棲也東五
里穿叢穢路絕復攀藤而進乃得斷橋兩崖
接棟中不合者一線飛流注巖下如簾狀成
二石池有龍居焉石壑之最奇者也又循鳥
道西十里而至石梁山壁對峙一巨石如長
虹橫架之龜脊莓苔廣不盈咫前臨萬仞巖
上莽澗水二壘流墮石梁下如震雷晝夜
非遺生灰真莫能渡上有曇華亭楹半外
王龜齡碑刻存焉其前身此橋巖首座也

為蓋竹洞三十六洞天之一志稱石橋方廣
寺五百應真示現處隱于石中樵人牧子時
聞鍾聲之響然皆不可覩矣是夕宿海會庵
明日從間路上山不經天柱而登葦頂大雨
霧一無所見然余所構堂成矣其又至也則
從柄溪入樵溪者歡溪也為處士顧歡而名
孫興公所謂濟樵溪而直進是也時崑崙山
人王子邕訪余于丹丘余取道自資福寺送
之過陸龜蒙所銘怪松循蒼山而西三十里
至慧明寺禪林始入歡舉公溪入十里抵天
封寺寺取鉅麗右楹有異僧以木屑縛為柱
常存東為智者嶺中有卓錫泉過天封一澗
從葦頂流下亦循澗上十里而至二池入寺
子邕已先俟太白堂矣山高風寒甚草木不
生惟太白堂前三娑羅樹四月花開如芍藥
寺前一杉一檜綠成陰耳餘則咸煙霧栖扃
戶非中秋左右無鎮日晴又雪甚早時方霜
降山頂已三日雪封山矣余掛二竹筒酒貽

剗百枚持鉏夜火衝虎跡而至顧池中有巨
 石呵凍蘸墨池水為書崑崙二字昔王右軍
 之來以許玄度李謫僊之來以司馬子微余
 何敢望二子且使後人識崑崙二字生于石
 上耳信宿買舟而別子列曰右軍昔遊惡溪
 樂其奇書突星瀨于石君舟行諦視其在否
 余唯唯竟不知所在而歸其他從護國寺從
 天姥嶺咸寓足焉而獨未從山北上天姥者
 天台之來山也故稱姥焉天台山北水二石
 梁水流入剡雙溪水流入明天封水東流過
 寧海入海萬年水西流出王渡入剡餘皆會
 清流而下靈江王告余讀天台山志蓋自古
 為僊窟宅彼洞天福地之說儒者謂誕不經
 然宇宙大矣聖人存而不論然哉及余行山
 中見其川谷盤護氣象自不類人世則又疑
 信半焉久之見上有靈芝醴泉又木有羅漢
 菩提草有觀音長生花有娑羅藥有
 茯苓黃精則非獨人有之于物亦然

屠長卿新建天台祖庭記

說者云西教東流始自漢明之世余歎謂

不然如來之教廣周沙界何限東西徧歷僧
 祇詎始東漢東漢以前佛法密持世道東漢
 以後佛法顯被羣機凡情見有顯密聖教原
 無晦明漢明以前若非佛理主持則世道曷
 繇建立哉自世尊倡教諸祖傳心西土之尼
 珠獨朗自摩騰馱經羅什譯義東方之清旭
 甫昇魏晉六朝之間法席如雲蓋頂成蔭佳
 言若露入口皆甘然而未明列聖之心宗尚
 昧如來一代之化意于是篤生天台智者大
 師大蘇妙悟靈山親承約畧五時開張八教
 以五義釋經題以四釋消文句定而三止慧
 而三觀曰具曰即曰一念三千總攝六度融
 會萬行並譚華嚴阿含方等般若歸宗泐華
 判一代時教為佛法司南真可謂捭折百家
 羽翼于聖者矣焉太史云大師得之南嶽南
 嶽得之北齊北齊得之龍樹龍樹得之釋迦

大闡於智師而非始于智師也傳至章安結
 集文言功同慶喜荆溪弘贊義例力並章安
 自是而後台教浸衰四明法智師以羅雲之
 後身續佛隴之慧命立陰觀妄別理隨緣性
 惡修惡馱闡幽宗惟色惟心舉揚與義明三
 觀單復之旨闡十境互發之論闢異端而扶
 正脩衆體而集成台教中興則四明尊者是
 也自是而後法復衰微於其妙峯百松師以
 上智之質悟入于妙宗一鈔紹天台之宗振
 起其如綫一脉而其徒無盡燈師又以宿慧
 種智闡揚而光大之近世台教中興則妙峯
 百松是也余謂百松之風直踵智者燈公之
 勸庶幾章安世必以余為知言余又謂無盡
 燈公嗣台教大行于佛隴介山如公衍台教
 盛傳于武林無窮芳公衍台教盛傳于四明
 亦猶法智之專席于鏡水慈雲之旁出于西
 湖也無盡師近于佛隴建天台祖庭中供釋
 迦教主東侍文殊西侍彌勒蓋以台教宗

汰華即采經首如來入定彌勒騰疑質于文
 殊之意與他寺位置不同座下東侍梵王西
 侍金剛力士蓋取庶母二弟發願一願為梵
 王啓請一願為力士護法助嫡母千兄賢劫
 成佛轉法輪之意兩旁設二十九祖始于迦
 葉終于法智而末設百松先師像陪位焉則
 將來者燈師之位又何可不增蓋有待耳嗚
 呼台教者論時節為時教總佛印為心宗通
 諸門為一門合衆派為一派如來復起不能
 易也而昧者為台宗為支離不知諸門而一
 門登堂無二衆派而一派會海則同詮事則
 周遍而罔遺詮理則圓融而無礙一心隨緣
 而有萬法萬法緣泯而歸一心開權顯實因
 迹會本此教之所以為妙也若以台教為支
 離則八十一卷華嚴其支離亦甚矣且天台
 一脉稟教世尊豈容輕詆是地為佛隴之故
 墟枕幽溪之深秀人煙僻絕山水鬱盤乃智
 師結廬說法之場人天環遶弘護之處無盡

王邑侯重建國清禪寺記

弁中梵宇惟四絕及七刹著而天台之國

清並列其間台山絕巘起百粵對娑羅頰瞰蓬萊滄海是曰華頂峯華頂之陽有靈墟佛隴石梁桐栢奕源赤城蟠踞東西並擅幽閨自中南下紆餘蜿蜒可五十里則曠焉宅坪環以五峯二澗峴旋祥雲如屏崖瀑飛寒窪泉碧泓蓋台越清秀山海環麗所融而結

者智錫飛空灌堂列馬於是夢杖護靈虎松關逐馬閭丘頓策泉涌叩門澗西領戒遇潭誦經盈木如三隱一行瀉山趙州葦神異百山而大業大中景德之朝有琅函寶篆則金地分華有牙像貝多則鷲峯炳耀有顏魯公柳散騎藻墨則飛白爭輝兜率有臺香積有厨新羅有園協淨土之規焉宸奎有閣雨華清音雷音有亭三賢無畏更好有堂摹祇林之相焉七塔列峙九級凌空陂塘千畝萬松夾徑集蓮池寶界之觀焉此國清所以名也國初甲子摧以風霆嘉隆之季荐以爵攸於是山門古塔巋然獨存而衰微睹已申午秋法師如通自虎林至愀然歎歎自嗟來晚乃遂築丈室作汰堂明年建佛殿廣輪儀舊飛棟雲聳通歸寂汰嗣性省於以堅茨概城藻飾莊嚴甃錫鞅合衆園叢布人翕然稱中興云落成之歲余適來眡台省及性芳數十輩僉以為過奇遂成石乞記余未遑也

顧亦有動於此中華彞教異母馭氏而取其
佑善利民之意先大夫康公即茲東岡作亭
志復無亦曰徼有休惠焉四恩之重釋道所
先開皇樹利仁壽清夷嘉夢之祥叶如應響
自今伊始福田闢乎皇路清乎此吾之動于
中者一也狄稽違劫綿邈難窮大都替與循
環龍象協候二桑門者敏識峻操講席繼登
宗風丕振頌荷力廣起廢孔多而茲又因巖
壑之靈應循環之運所以旋復若斯之易也
猥產蜚芬汝塗漸盛其先園亭池閣與夫藻
墨金光笑而弗復見雲居息念露地噓醒諸
志禪乘列傳燈為青原黃梅道林大珠神秀
天龍之侶又奚而弗復杳雲谷停驂時志南
訪道竹溪論仁荷屋夢堂與蟠廬虎白亦並
時起佛窟材藪以斯得名中葉式微賢書缺
有間類宮既作余以天時人事卜其鷲起
聯當協疇曩由斯以鏡殆若合符此吾之動
于中者二也且吾觀之先嘗有再作雨菴亭

者間闢草創迄無完美性芳杖屨三德隨臻
而憲臺吳公司理劉公虞衡方伯司諫王公
又多方振於上諸檀施蒸然協于下無何
時厥冥如昨考成有日寵錫自天龍藏書
交輝金碧天人之際良可知已爰是庸引古
今薄臚廢舉庸以志感若迺顛頂闢荒金升
天座三僧協力證果宜均版依尊宿揮誓道
場性芳之勞續於瑄冕則以埃後之志僧寶
傳高僧者邑
候王孫獎撰

王士昌立雪齋記

自佛法入中國時黃面瞿曇

道雪山上得箇何等消息衣鉢直傳至今如
第二月以指作觀乃能使天梵雨花鳥鹿聽
受所謂自利利他一莖化為丈六安欲泠湫
湫地向鬼窟安身九年壁間面孔未夢見如
來耳神光不自信心行苦集道自斷其臂不
過尋頭牙古鏡之前覓珠於貧衣之內於雪

山遺言了不干涉一花五葉雪色未消曹溪
此滴東流不返觀水於瀾千濤萬壑不失淄
澠之味固不在色相間也余家先司寇雅好
深探於此緣不淺結廬天台萬年山中時蘊
上人以一衲供四方行脚苦集圓滿忽夜見
寶光如燃千佛燈詫為雨花法瑞且曰國藏
遠征天賜緋衣錦襲山靈震動為空中發海
潮音者旬日斯亦奇矣上人淫槃後雪堂師
嗣法傳燈衣鉢不替陸官保平泉為顏其齋
頭曰立雪問序於余余笑曰神光見法指為
月自斷其臂衣鉢以傳雪上人欲收曹溪滴
耶雪山千尺冰請問天雨六出時釋迦在座
當演何法上人曰唯唯不為癡人廣說不為
佛子密說遍大千怕何沙各各斷臂已吾衣
鉢乃傳耳余笑而述其語如此

陳仁錫天台祠記

李供奉夢遊天姥山好事者
賀山之遭而悵其夢三十一日

過之笑曰供奉不夢天姥誰夢夢天台耶白
也遜其精奇夢雁宕耶白也謝其玄怪夢會稽
耶白也讓其閒懶夫自萬馬疾渡飛千萬
仞之濤於數百里灘為巨湖浸天姥山腹背
差可安供奉一夢耳辛酉九月天台高明釋
傳燈持杖來礬石乞三天祠記祀興利除害
兵憲夢澤張公及捧檄斷行別駕南昌趙公
予過客也為張公年友以齒頰勞與焉予謝
不敏而張公應特祠夫古人作夢亦不容易
况文乎非愛其文也不遇其人與其事向者
供奉之所不夢也高明故智者翻經臺招手
定光處石梁羅漢鬚眉皆活清夜自鐘自鼓
萬年寺之九里溪奇峯秀鬱昂在雁宕上是
宜置公欵笑惠徼山靈安子一篇文字作供
奉佳夢可矣天台厥曰曉瘳垂白老僧常倚
雲而鋤開探今下台無鑿有司中胥譚易存
寺為廢寺幾出數千畝租入畝二石輸累千
金名充礦稅實利羨緩而杖殺訟寃者數人

又役以收解催租吏日滿方丈僧積威所劫
 聊望僧民兩充先後賢者二守黃公兵使金
 沙干公太守華亭王公邑侯湘山胡公僅融
 通計畝量派官田未蠲什之七開採既息旋
 編槽兵著為令二十餘年予初遊國清坐寒
 拾竈下聽二三衲子語夜半風急雨鳴濤聲
 如咽將就臥一僧牽予衣燃燈照斗室日此
 二老僧歿鞭箠所也放聲大哭予洒淚久之
 徹曉不寐屬遼餉荐加帶雨春耕號呼顛什
 遂入幽溪爰集二三上人商可予日以存作
 廢胥讚固也山不有真廢田耶存者充稅廢
 者充橐誰詰之耶始廉察桐栢實萃資慶凡
 二千畝沒胥吏有年予喜挈領雁宕歸小
 憇天寧寺公宴予於山移席對靈江乍聞
 髮指日始作者無後乎
 朝廷不言利而刈殺其人民司憲謂何盟日三
 日檄十日罷渝此盟如江水趣命署印趙公
 授方畧趙令靖江著廉幹激于公言檢桐栢

諸廢田悉抵去之果不渝盟公自為文譏台
 山絕頂昇哉公處此一事勁而決不煩論報
 不遺根株於是山歛愁容水流悅響百歲老
 僧願緩須臾無死初公赴任飲予書舍檢案
 上楊文襄集驟聞兵變拂衣起兼程視事解
 兇黨結逋糧悉繫其魁台人言公少遲屐劍
 必無台州金調發騷然諱於省會於處州於
 金華於鄞江台兵一枝必受戎索憚公威感
 公信也延年離席社稷遂安趙喜橫堦尊卑
 乃定公有馬公孝友篤學節儉正直精吏事
 別人材自稱一人不妄交一介不取與既與
 予面相約使者絡繹于路為分轡軒予幽人
 也老親在堂愛子在抱棊書在几席勉為公
 一割非予戇直不能致公三遣之使非公精
 誠不能勤予百日之轍所至不接一軒冕不
 溷一私牘及抵舍掩關潛確公手函六七至
 氣誼有足多者公虛懷能受盡言記月下渡
 靈江葛仙井淪為蓁莽言於公遽檄臨海亭

之在紹興禹廟北新蘭亭不稱舊觀其山勾踐種蘭地也蘭似君子改越君子亭而聿修崇山峻嶺之舊三江闡湯侯功在萬世不宜並祀戰歿吳張二將子幼母老想魂萬里之外王右軍菴坐戒珠門遷鼓山亭便公皆許可對非博採誰不樂告蓋

朝廷腹心也郡國手足也
神祖獨攬耳目之官畜而手足能捍則以監司代耳目今寇在門庭腹心之救殷而徵調日煩則又以監司代腹心夫郡國之職業愈重監司愈急而浙棘沿海一帶更急果得人如公授節鉞筦樞要以昭布

明天子尊顯外藩飭誥海壖至意無謂令甲獨行之於邊吏也公壯猷日新何有台一事亦舟于春流水共淙淙不絕而巳雖謂公與天台山作一夢可也雖謂予補供奉之夢為夢澤作一夢可也雖謂予補供奉之夢為紀夢可也

天台山方外志卷第二十三

碑類

梁沈約桐栢山金庭觀碑

斯絕全篇五字之

玄霜降雪之寶俗士所不能窺學徒不敢輕眇非天稟上才夫易可擬自惟凡劣識鑿難窮早向幽棄情累留愛林壑託分鳥魚既遠出天台定居茲領所揭之山實惟桐栢仰出星河上參倒景高崖萬仞遂問千迴翹心屬念晚卧晨起採三芝而延佇飛九丹而宴息乘鳧輕舉留舄忘歸銘曰日為車馬芝成宮觀虹旌拂月龍輶漸漢萬春方華千齡

且始

陳徐克孝天台山修禪寺智者大師放生碑

夫



之在紹興禹廟圯新蘭亭不稱舊觀其山勾踐種蘭地也蘭似君子改越君子亭而聿修崇山峻嶺之舊三江開湯侯功在萬世不宜並祀戰歿吳張二將子幼母老想竟萬里之外王右軍磕坐戒珠門遷戴山亭便公皆許可對菲博採誰不樂告蓋

朝廷腹心也郡國手足也神祖獨攬耳目之官嗇而手足能捍則以監司

代耳目今寇在門庭腹心之救殷而徵調日煩則又以監司代腹心夫郡國之職業愈重

監司愈急而浙東沿海一帶更急果得人如公授節鉞筦樞要以昭布

明天子尊顯外藩飭詰海壖至意無謂令甲獨行之於邊吏也公壯猷日新何有台山一事

亦舟于春流水共淙淙不絕而已雖謂公與天台山作一夢可也雖謂予補供奉之夢為

夢澤作一紀夢可也

天台山方外志卷第二十三

碑類

梁沈約桐栢山金庭觀碑

若夫上玄奧遠言象斯絕金簡玉字之書

玄霜絳雪之寶俗士所不能窺學徒不敢輕眇非天稟上才未易可擬自惟凡劣識鑿鮮

窮早向幽棄情累留愛林壑託分鳥魚既遠出天台定居茲領所揭之山實惟桐栢

仰出星河上參倒景高崖萬仞遂澗千迴翹心屬念晚卧晨起採三芝而延佇飛九丹而

宴息乘鳧輕舉留鳥忘歸銘曰日為車馬芝成宮觀虹旌拂月龍輶漸漢萬春方華千齡

始旦

陳徐克孝天台山修禪寺智者大師放生碑

夫



易無體品類所以咸亨太一無名至人於是
 設教仰觀俯汰遠取旁求兼三以才吹萬維
 物建官台鉉則五嶽作鎮辨方伯牧故四瀆
 分流闢伊闕覽八紘鑿龍門披九澤播厥習
 險因之以利民相生卜洛樹之以君長坎之
 時用大矣哉我 皇帝作聖 神乘圖御籙
 無為無欲道契汾陽垂拱垂衣德隆至治辰
 象真明管灰合序方外無虞海內有截披風
 雅於華戎盛雍燮於曩代巍巍乎難得而稱
 者也至如光啓汰式榮敷道樹化彰十善弘
 濟四生天台修禪寺智顓禪師疏練自居苦
 節行矣奉揚皇風捨持像季禪師俗姓陳氏
 穎川人也乃有媯之後焉四友驚座逖聽多
 矣六奇列爵世載其賢祖詮早世父昶祖梁
 使持節散騎常侍益陽開國侯禪師童真出
 家聰敏易悟寓居荆峽遊化幽并自北徂南
 兼行禪智禹穴將探台山是上白鷄路出青
 髓巖開攀桂結宇蕭然憇止林交五柳既馥

旃檀之氛塔現三層終縣水精之色雲崖天
 樂不鼓自鳴石室金容無形留影秀嶺欽岑
 浪波浩瀚洪濤蜃氣冒遠苞空巨壑喬松下
 雲翳日翔集飛翥叢育珍怪地中藏玉觀曲
 枝而易辨淵內沉珠見員流而可別神通開
 士如意桑門振錫呪泉騰空舞鉢受丹僊客
 汎急水而時來避官真人乘迴風而迥至厥
 土宏灑靈識斯在禪師福慧基鎡聲光利益
 宣猛將軍臨海內使計尚兒子勲之胄世顯
 方術賣藥登僊聞于昔漢剖符作守即此明
 時請轉法輪講金光明一部前雲騎將軍臨
 海內史陳思展及其猶子陳要卿等即土人
 也戎章衣繡優袂家邦奉屈禪師次講汰萃
 經典白牙團扇初開律藏之門玉柄塵尾傍
 闡經王之偈繫珠始訓親友醉除夢鼓將鳴
 梵魔疑遣因迺雙明誠勸廣辯殃福尚見仍
 獎諭滬主嚴續祖牟公賀等羣賢凡百君子
 信誓斯立丹誠恪勤白業諧辯嗟如棠之往

緊歎鉤僕之來緣各捨滄業及漁梁等合六
 十三所二緣樹下縣唱善哉五旬座上遙聞
 彈指巨海無際一時清謐衆生無邊同荷安
 快掌擊世界未粵難思手把虚空非名希有
 桂陽王殿下皇枝之貴應懋開平情崇孔釋
 吐懸河之旨擊節證明示半月之形深心隨
 喜五侯三傑曾不間然黃髮青衿咸同踴躍
 藏諸篆素青編落簡樹以貞碑聲芳靡絕假
 命山止海運惠施之美猶傳龜吉筮凶鐫勒
 之功無毀孝克才慙十陪學憶三餘秋蒐春
 菑久捐染截書紳畫地曾無圖寫雖復張池
 金黑寧擬妙辭峴石徒刊非能墮淚仰熏心
 之上善美山水之清音寸志片言乃爲銘曰
 設位觀像剖極開混蕩蕩爲大蒼蒼以尊膏
 川淚瀆地脉河源導疏咨禹蓋取維軒嗟乎
 坎德至矣坤元淳風樂土君臨御寓明明孝
 治穆穆聖主道冠當今功高前古慶協嘉瑞
 美均擊拊仁沾動植澤及遐宇釋種高旗

資馭菽匪慕分圭歸心染服辭彼緣慮言旋
 幽谷志託松筠形隨喬木七覺善誘五禪清
 肅無遠弗届無思不服將軍邦宰肩甲銷罪
 淑女良夫民業珍賄靡宏十明寧追百倍不
 見所欲忘懷無待各捨貨泉同成佛海泱泱
 冥蒙瞻眺唯空屏師送同列子揚風鯤鱗以
 北極外之東遠水銜日曾波駕蓬地上之北
 山下之蒙涇清渭濁朝宗會同天台維節林
 泉搔屑頂列三辰峯危九折瀑布高瀉神狀
 姝絜響若奔雷皎如素雪時隆冬而不疑歲
 炎旱而無竭石橋杳邈晨暉映徹仰止青霄
 俯臨丹穴鳥路雲通人途徑絕勃解難邊合
 情沂沿嗽嗽岌岌萬萬千千鼓颺掉尾相望
 自然薛網無挂任釣不牽歌舫靜拽響俎停
 羶行滿業大弘生爲最斷樹誠規翳樊斯誠
 噲參靈鶴敬康神蔡隨感明珠于期軒蓋嘉
 會信徵潛騰是賴逝矣虞淵波瀾易遷高岸
 深谷蓬海桑田石餘幾拂芥盡何年大地將

隕須彌洞然風傾金際火及初禪猗歎水性
報轉常圓陳通直散騎常侍國子祭酒東海

徐孝
克撰

徐陵天台山館徐則法師碑

夫海水揚塵幾千

石幾萬歲而應平至人者譬彼晨昏方乎晷
刻固非俗士之所能言寰中之所能量者也
至如不灰之草猶稱南喬長生之樹尚挺西
崑百紀遊龜皆登蓮葉千齡壽鶴或舞松枝
假以生民何其天脆譬彼風電同諸泡沫琢
火之歎聞諸往賢逝水之悲嗟乎前聖樵人
看博信未始乎淹留僊客彈琴固不移於俄
頃然而子孫皆其數世鄉黨咸為草萊是以
志士名賢飄然長鶩臊羶榮利懣穢風塵服
冕乘軒其猶桎枯朱庭紫閣事甚籠樊隱淪
巖洞飡餌芝髓忽矣身輕俄然羽化金繩玉
版受謁帝之符龍駕霓裳處僊宮之籙法師

蕭然道氣卓矣僊才千仞振標萬頃無度所
以伊川控鶴葉縣乘鳥靈化無方去還斯在
銘曰來去三鳥賓遊二童然香雨上擊磬雲
中玉粒軟金膏

隋楞嚴言天台國清寺智者大師碑

臣聞在天

之法存焉在地成形區方之均微矣二儀既
爾三才問然上聖之姿為王所以敬教先覺
投道契會方乃昇僊是故命駕崆峒紆光善
卷籙圖宣業赤誦弘風練質九府之間騰虛
六合之內斯金權宜汲引暫保逍遙終覆蔽
於苦空卒遭劫於生歿未臻夫不生不滅無
去無來匪實匪虛非如非異常樂我淨疑寂
恬愉不可思議之解脫也粵若我大隋皇帝
法諦揔持載融佛日瑞發淨宮利見法王應
闡浮主以封唐入紹葉繼高辛立聖與能
隆姬發自天攸縱包大德而翼小心希世
期內文明而外柔順知微知彰鑄第玄覽

武廼文能事斯畢自永嘉失馭海內分崩將
 險擅強各樹君長禮樂淪於非所龜玉毀於
 殊方書軌競分殆三十紀天將悔禍稔惡有
 辰皇上道藹汾陽迹光代邸地隆分狹神功
 潛著于時高廟靈暮深思統壹專征杖鉞帝
 曰斯哉惟君惟親知臣知子乃揚於萬里間
 罪九伐一舉而定江左再駕而潛餘燼浮天
 爭貢海外有截驍高嵩之備五臣周旦之君
 十亂本枝盛續疇昔多慙磐石宛勳契莫不
 於是三能宗鉉九命惟揚本之以仁慈施之
 以聲教行之以要道體之以無為姑射杳然
 尚想淵疇滄波壯災思濟舟航以為能仁種
 覺降茲忍土信相入道淨戒居先梵網明文
 深傳薩埵國師僧寶必兼禪慧有會稽天台
 山大禪師者生而神光照室兩目重瞳禪師
 公諱智顛潁川陳族太丘道遠季伯風延典
 午表亂播遷萃容父起祖梁使持節散騎常
 侍封益陽縣開國侯禪師風彩韶悟韶亂希

有年過少學便誦法華父為求婚方便祈止
 儒門史館多所警明杜下濠上彌所深得諸
 宮覆沒便即蔬菲及啓弱冠於長沙之果願
 寺出家護戒如明珠安心若止水歷聽經論
 但使一間得之於心傳之于口以湘潭局狹
 未發大機拂跡衡陽安步墳汝往大蘇山請
 業惠思禪師禪師見優歎曰憶昔靈鷲同聽
 法華令進我會賢道場為說四安樂行停二
 七日誦藥王品至諸佛同讚之句寂然入定
 明慧傻發起而白師師曰非爾勿感非我莫
 識所入定者法華三昧之前方便及聞持陀
 羅尼也縱令文字之師千羣億品尋汝慧辯
 所不能窮於說法人中最高為第一常約仁王
 纓絡龍樹馬鳴立三觀四教述師本宗以為
 大乘樞鍵得下御內碩學流通智以藏往徵
 育王之初建正教神以知來鑑周武之滅大
 法乃高蹈豫二翔集天台歷遊名山言造廬
 嶽秦孝王作鎮淮海遣信迎屈對使者曰雖

欲相見終恐緣差即累旬大風妖賊競起水陸俱阻安坐匡岫既而龍於龕難仍代孝王爰屆拜城紫誠延請順流背風數日湍到亦既脫止便定師資等善意之仰妙光若高宗之得傳說再三固辭無可與讓以開皇十一年歲次辛亥月旅黃鍾二十三日辛丑於揚州大聽寺設無礙大齋灸受菩薩戒法降作伯之尊由宗師之典釋龍袞而披忍服去桓珪而傳戒香圓發初心諸佛致禮於時天地交泰日月載華庭轉和風空浮休氣林明七覺之華池皦入淨之水化罩內外事等阿輪之城教轉法輪理符寶冥之窟文武寮案俱蔭慈雲欣欣焉濟濟焉肅肅焉靡靡焉經所謂攝律儀戒攝善法戒攝衆生戒顯發三願真正十受如一切色悉入空界者其斯之謂歟汰事云畢士珍備捨出居于城外禪衆之精林四事供養睿情猶疑未滿以為師氏禮極必有嘉名如伊尹之曰阿衡呂望之稱尚

父檢地持經智者師目謹依金口虔表玉裕復克良辰躬出頂禮雖有熊之登具茨漢文之適河上方之篋如也智者以內行外獎諸佛之深訓實惠方便大士之兼通帝釋檀那既包信解仁王攝受遠能博益逡巡告退言歸舊山殷勤請留重違高意猶四皓之餌木南山二疎之散金東海振錫離塵始稱出世瞻言儒者未足為榮竊以四明天台剡東之玉岫兩誼雲岬鄞南之金庭峻極于天仰捫白日盤鎮于地俯鏡滄海雲霞沆瀣霏拂輕襟虹霓駕鸞勝承飛鳥華果競發常迷四時藥草森羅孰分億品道猷徃而證果與公賦不能申寺基本屬始豐峯名佛隴元有定光禪師隱顯變現先居此峯常謂弟子云不久當有勝善知識將領徒衆俱集此山俄而智者越江渡河翻然來萃忽聞鐘聲聲振山谷即問光師聲之所以荅云此是捷槌集僧得任之相頗憶曾經舉手相引時不智者即悟

年至十五稽顙禮佛恍焉如夢見極高山臨
 大海曲有僧如今光師舉手接上云汝當居
 此處汝當終此焉拜言悲喜滂沱涕泗仍於
 佛隴之南尋行寺域便見五峯圍遶等耆闍
 之山兩溪夾瀉若縉雲之澗披榛開途葺用
 茅茨功德叢林常裏蒼蘆忍辱墻院無勞關
 槌後嘯蛇吟泉籟響雜飛走聽泐馴伏軒墀
 西南有永豐江派與浙源分嶺東會于海潮
 波往還數百里間村人常以渙捕為業陶漸
 廻向焚辰廢梁墾田種果翻成富實深信解
 者多作沙門慈化所冀皆此連類及光師無
 常已後欲大修立忽覩一僧如光師年素語
 智者云若欲造寺今未是時三國成一有大
 勢力人能為起寺若成國即清當呼為國
 清寺此言杳漫孰當信者豈其符應冥契在
 茲逮于我君臨邊歲久孝性淳至入京省謁
 旋邁江都登命舟楫迎來鎮所使乎至彼使
 事裝束謂大眾曰在上意重弗敢致辭然往

而不反因此長別語弟子云當成就隴南下
 寺其堂殿基趾一依我圖侍者答云若無師
 在豈能成辦重謂之曰當有皇太子為我建
 造汝等見之吾不見也行百餘里到剡東之
 石城寺寺有百尺金縷石像梁太宰南平元
 襄王鐫創自有靈迹因此現疾右脇而臥忽
 然風雲變色松桂森聳宛如天樂來入房戶
 起坐合掌神色矍鑠怡願侍者云觀音來迎不
 久應去弟子智朗請曰佛許聖賢臨終說位
 行得乞垂曉示方思景慕答云我只是五品
 弟子位耳案五品即是法華三昧前方便之
 位宛與思師昔語冥一仍命筆作偈口授遺
 書辭理切詣深陳勝緣潛來密往誓當影護
 為撰淨名義疏一部俱時送來仍索僧伽黎
 大衣手自披看迴身西向端坐遷神春秋六
 十旬日建齋跏趺流汗珠團髮際露泫宵間
 欲示諸法本自不在今則無滅繩牀輿還佛
 隴輕舉有若浮空爾時閒香龕都不與昔驛

使初計震動于宸心爰捨淨財隨由功德郵
傳相望剡起塔廟寺雖本地其舊維新瓊宇
緝堂憑國靈而模切利驚頭狼跡因寂默而
爲道場班僊鉤龠競稱名匠庶民子來成之
不日神明扶持歛同顯現背高就下因層嶽
而基殿堂仰眩俯臨信玲瓏而勝畫績多寶
分座俱受纓絡天冠表利如連梵幢金函玉
牒常赴講肆禪誦律儀無違師法斯可謂頭
陀之極地彌陀之淨方與阿耨而常盈同須
彌之永固暨乎重光纂曆天成地平以今大
業元年九月鑿輿幸巡淮海眺矚江南惆悵
台嶽集楊州名僧咸問之曰智者立寺權因
山名宜各述所懷朕當詳擇累日未奏會寺
僧智操銜狀而來具條昔年光師國清之稱
太史案此語時代乃周建德之初八表未同
三方鼎峙今四十餘年聖證縣符明時徵應
詔付著作書之左史仍勅皆籀篆題寺門卽
遣舍人送操并施基業赴十一月二十四日

先師忌齋使平集僧跪開石室唯見空牀虛
帳薜苔蛛網法侶號眺等初滅度公私扼擊
若無朋體又法會千僧各有簿籍造齋點定
忽盈一人有司再巡還滿千數及臨齋受
復成千一執事驚愕出沒難辨豈非先師化
身來受國洪王臣反命具奏一條當展眸容
溪洞靈跡百司拜賀四海馳聲至矣哉像法
未淪佛種常續迺聖幾感大師應變妙力難
思神圖方永祥基瑞國雜杏歲蕤煥乎斯之
盛者也管金龍尊王讚佛功德寶積長者獻
蓋稱揚范武子聲由在民臧文仲言垂不朽
矧乎道樹勝由師門福地而建崇雲碣表際
金剛俾命絲綸織載辭理若夫記言記事史
官之成則散華貫萃泐藏之鴻演敢重述宣
乃作頌曰龍圖畫卦裁萌五輿金輪拯溺止
弘十善豈若我皇樹功宏緬還源本淨歸途
今顯鏡鑒先喆筌蹄何淺天造草昧日月斯
昇高山巨海或影或澄虎嘯風起龍躍雲興

至人幾漸養正遵承謙尊本俗師軌推膺隻
誰允矣具瞻克勝熏禪觀寂如冬靖凝精義
泉涌如春泮冰我有匠石止直從繩我有津
濟舟楫斯憑度臨拳拳悅受競競能資萬行
混成一乘六反震動十方歎稱同聲相應信
而有徵至誠感神道合符契淵乎智者波瀾
靡際帝師既沃天台還憩于山之阿于川之
溼滄溟浩瀚峯崖迢遞日浴扶桑月穿叢桂
上踵委采滂通禹計素湍風激赤城霞曳仁
智肥遯山林虧蔽無言不酬既符聲響無德
不報有均景象初十菴蘿歸誠戀仰顯允光
帥久要長往非嗷若昧境形如曩寺號國清
靈屏潛敞孰意我帥遽緣安養龍樓夙記鶴
關無爽宸居在昔哀構祗園令終如始師嚴
道尊揆日方畫規星正昏置禁崇趾削屢成
垣巖分蓮萼泉苾桃源僊窻夏冷禪室冬溫
玉階馴豹金刹棲鵲風和寶鐸空轉珠旛百
穀時秀萬果林繁靈芝禪悅甘露天鐔玉趾

按地淨域驚瑰金布賀苑天宮儼存創造之
福胡可勝原輪煥洞徹莊嚴修設波斯融治
優填剎厨金容月滿玉毫霜絮象譯翻度龍
宮披閱法侶誦然端心障滅泰階既平王道
既清殊途同致無慮何營皇思睿蹟遂達忘
情有本空淨空常有弁壇戒度重定慧真精
乾臨朗鑒遠供憑誠大衆香麗拜闕龕楹全
身座間嚴扃網縈迦葉佛隴賢刳齊聲飯僧
數益瑞我隆平身田雨潤心樹華榮現在同
植將來共成有如懸鏡反照今生有如圭具
會不虧盈神力自在遊戲香城菩提具足赫
赫明明兼祕書監直內史省開府儀同三
司臣柳顧言奉勅撰

唐梁肅天台山修禪道場碑

天台山自國清上
登十數里曰佛隴

蓋智者大師現身得道之所前佛大教重光
之地陳朝崇之置寺曰修禪及隋建國清廢

修禪之號號為道場自大師歿一百九十餘載大比丘然公光昭大師之遺訓啓以後學門人比丘法智灑掃大師之舊居以護寶所云大師諱智顛字德安姓陳氏穎川人也尊稱智者感應緣迹載在別傳觀夫治世之經非仲尼則三王四代之訓寢而不章出世之道非大師則三乘四教之旨晦而不明昔如來乘一大事因緣菩薩以會門示現自華嚴肇基至靈鷲高會無小無大同歸佛界及大雄示滅學路派別世既下衰教亦陵遲故龍樹大士病之用道種智制諸外道括十二部經發明宗極微言東流我慧文禪師得之於文字中入不二法門以授南嶽思大師當時教尚簡密不能廣被而空有諸宗扇惑方夏及大師受之於是開心觀法門其教大略即身心而指定慧即言說而詮解脫演善權以鹿苑為初明一實用法華為宗合十如十界

之妙趣三觀三智之極自發心至于上聖行位昭明無相奪倫然後誕敷契經而會同之煥然氷釋心路不惑窺其教者藏焉修焉蓋無入而不自得焉大師之設教也如此若夫施張體用開闔語默高步海內為兩朝宗師大明在天光被四表大雲江雨滂施萬物繇是言佛法者以天台為司南殊塗異論往往退息緣離化滅涅槃茲山是歲隋開皇十七年也夫名者實之賓教者道之門大師溷其賓闢其門自言地位示有證入故感而應之應之之事可得而知也若安住法界現為比丘等覺歟妙覺歟不可得而知也當是時得大師之門者千數得深心者三十有二人纂其言施行於後世者曰章安大師諱灌頂灌頂傳縉雲威禪師禪師傳東陽東陽與縉雲同號時謂小威師威傳左溪朗禪師自縉雲至左溪及玄珠相付向晦宴息而已左溪門人之上管今湛然大師道高識遠超悟辨達

凡祖師所施之教形於章句者必引而伸之
後來資之以崇德辯惑者不可悉數蓋嘗謂
肅曰是山之佛隴亦鄒魯之洙泗妙法之耿
光先師之遺塵爰集于茲自上元寶應之際
此邦寇擾佛土迴向之徒有所依歸繫斯人是
廟莊嚴佛土迴向之徒有所依歸繫斯人是
賴汝吾徒也蓋紀於文言刻諸金石俾千載
之下知吾道之所以然小子稽首受命故大
師之本迹教門之繼明後裔之任持皆見乎
辭其文曰諸佛出世惟一大事天台教源與
佛同意赫赫大師開示奧秘載弘道要安住
圓位白日麗天下文明大師出現國土化
城無生而生生化兩冥薪盡火滅山空道行
五世之後問生上德微言在茲德音允塞惟
彼汰子護持淨域此山有壞此教
不極右補闕翰林學士梁肅撰

崔尚桐栢觀碑

謂之桐栢也代謂之天台真

同契乎元道無不在夫如是亦奚必是桐栢
耶非桐栢耶因斯而談則無是是無非非矣
而稽古者言之桐栢山高萬八千丈周旋八
百里其山八重四面如一中有洞天號金庭
宮即右弼王喬子晉之所處也是之謂不灰
之福鄉養真之靈境故立觀有初強名桐栢
焉耳古觀荒廢則已久矣故老相傳云昔葛
僊公始居此地而後有道之士往往因之壇
址五六厥迹猶在泊乎我唐有司馬鍊師居
焉景雲中天子布命于下新作桐栢觀蓋以
光照我元元之不烈保綏我國家之福祉者
也夫其高居八重之一俯臨千仞之餘背陰
嚮陽審曲面勢東西數百步南北亦如之連
山峩峩四野皆碧茂木鬱鬱四時並青大巖
之前橫嶺之上雙峯如闕中天豁開長澗南
瀉諸泉合漱一道瀑布百丈垂流望之雪飛
聽之風起石梁翠屏可倚也琪木珠條可攀
也僊花靈草春秋競發幽鳥清猿晨暮合響

桐栢觀碑 卷之三 上

信足賞也始豐南岷雲嶂間起剡川北通煙
 岑相接東則亞入滄海不遠蓬萊西則浩然
 長山無復人境摠括與秘鬱為秀絕苞元氣
 以混成鎮垺地而安靜非夫神與僊宅僊得
 神營其孰能致斯哉故初營天尊之堂晝日
 有雲五色浮靄其上三井投龍之所時有異
 雲氣入堂復出者三書之者記祥也然後為
 虛室以鑿戶起層臺而繫土經之殖之成之
 翼之綴日月以為光籠雲霞以為色花散金
 地香通元極真侶好道是遊斯息微我練師
 孰能興之鍊師名承禎一名子微號曰天台
 白雲河內温人晉宣帝弟太常道之後祖屢
 仕隋為親侍太都督父仁取唐興為朝散大
 大襄州長史名賢之家奕代清德慶靈之地
 生此僊才以為服冕乘軒者寵患吾身也擊
 鍾陳鼎者味爽人口也遂乃捐公候之業學
 神僊之事科籙教戒博綜無所遺窈冥夷希
 微妙詎可識無思無為不飲不食仰之彌峻

巍乎其若山把之彌深湛乎其若海夫其通
 才練識瞻學多聞翰墨之工文章之美皆忘
 其所能也鍊師蘊廣成之德壽宗繼黃軒之
 明齋虛而求將利國政侃侃然不可得而動
 也我皇孝思維則以道理國叶帝堯之用心
 寵許由之高志故得放曠而處遊遙而遊聞
 鍊師之名者足以激勵風俗瞻鍊師之容者
 足以脫落氛埃以慈為寶以善換物神以知
 來智以藏往允所謂名登僊格迹在人寰與
 不可測已矣道生乎無名行乎有精分而作
 三才播而作萬物故為天下貴况絕學無憂長生久視
 之者亡故為天下貴况絕學無憂長生久視
 也哉道之行也必有階也行道之階非山莫
 可故有為焉有象焉瞻於斯仰於斯若舍是
 舍教將奚依損之又損之以至於無為元門
 既一不名厥功朝請大夫使持節台州諸軍
 事守台州刺史上國賈公長源有道化
 人有物嘗謂別駕蔡欽宗等曰自道以

金德立石繼頌以美而不頌後代何觀乃相與
 嗟峨崔巍下臨至道之光其辭曰邈彼天台
 如地開煙雲路通海遙望蓬萊漫若天合呀
 瓊臺鍊師鍊師道入微喻日安坐凌霄欲
 飛興廢靈觀鍊師攸贊道無不為美哉輪奐
 窈窕茫茫通天降祥保我皇唐如山是常崔尚撰



